

MIR WÄND TRÄUME (Anfang)

(T. & M. Daniel Liauw, Laila Berger, Malena Hellat, Catarina Blasi)

Laila, Mila: Mir wänd träume, Luftschlösser boue, flüge bis zum Mond,
über Zuckerwatte gumpe, uf Wolke tanze, dur Wasserfäll us Schoggi goh.
Mir wänd träume, de Ozean erkunde, tauche bis zum Grund,
de Wältrum erforsche, Hochhüser boue und ganzi Städt wachse loh.

alle: Mir sind Chind, (*einzelne:*) mir träumed eus eusi Wält,
Mir händ Träum, (*einzelne:*) Gedanke und Ziel, und was drus wird,
das werde mer gseh.
Mir sind Chind, und eus ghört d Zuekunft vo de ganze wiite Wält,
es git kei Gränze und'rem wiite Himmelszält,
was wämmer no meh?

Ianna: All eusi Träum, wirbled mit de Wind,
s'sind Gedanke, wo mir händ als Chind.

Elena: 's git e kei Regle,
kän Uftrag und keis vorgäh's Ziel.

Ilenia: Mir händ eusi Freiheit,
mir gschtaltet euses eigne Spiel.

alle: Mir sind Chind, (*einzelne:*) mir träumed eus eusi Wält,
Mir händ Träum, (*einzelne:*) Gedanke und Ziel, und was drus wird,
das werde mer gseh.
Mir sind Chind, und eus ghört d Zuekunft vo de ganze wiite Wält,
es git kei Gränze und'rem wiite Himmelszält,
was wämmer no meh?

Ela: Isch's en Traum? Oder isch es wohr?
Isch es d'Zuekunft? Vilicht i hundert Johr...

Livia: Es cha niemer wüsse,
wohere'n as eus d' Zuekunft länkt.

Rahel: Doch öppis isch sicher:
Was d'Zuekunft isch wird hüt scho dänkt.

alle: Mir sind Chind, (*einzelne:*) mir träumed eus eusi Wält,
Mir händ Träum, (*einzelne:*) Gedanke und Ziel, und was drus wird,
das werde mer gseh.
Mir sind Chind, und eus ghört d Zuekunft vo de ganze wiite Wält,
es git kei Gränze und'rem wiite Himmelszält,
was wämmer no meh?

MIR WÄND TRÄUME (Schluss)

(T. & M. Daniel Liauw)

- ?: Mir händ eusi Träum, gschtaltet dä Planet,
wüssed au vill besser, was guet isch und was ned.
Doch mir sind verschiede, mir gsehnd ned immer alles glich.
Öbs guet oder schlächt isch, die Vilfalt macht eus alli rich.
- alle: Mir sind Chind, (*einzelne:*) mir träumed eus eusi Wält,
Mir händ Träum, (*einzelne:*) Gedanke und Ziel, und was drus wird,
das werde mer gseh.
Mir sind Chind, und eus ghört d Zuekunft vo de ganze wiite Wält,
es git kei Gränze und'rem wiite Himmelszält,
was wämmer no meh?
- ?: Isch's e bess'ri Wält, wenn's nur's Guete git?
Oder brucht's au s'Schlächte, wo i jedem liet?
Mer müend demit läbe, au Schattesite ghöred zu eus.
Und mängs wo zerscht schlächt schint, isch eifach nume öppis neus.
- alle: Mir sind Chind, (*einzelne:*) mir träumed eus eusi Wält,
Mir händ Träum, (*einzelne:*) Gedanke und Ziel, und was drus wird,
das werde mer gseh.
Mir sind Chind, und eus ghört d Zuekunft vo de ganze wiite Wält,
es git kei Gränze und'rem wiite Himmelszält,
was wämmer no meh?